



Virgeoapmahaš, geas njulgen gáibiduvvo

Áššeosolaš, guhte lea duhtameahttun dán mearrádussii oažžu ohat dasa njulgema Sámedikki kulturlávdegottis. Njulgengáibádus čujuhuvvo Sámedikki kulturlávdegoddái ja dan galgá doaimmahit njulgengáibádusáigge siste Sámedikki girjenkantuvrai.

Njulgengáibádusáigi

Njulgengáibádusa galgá bargat 30 beaivve siste mearrádusa diehtunoažžumis. Juos ii eará čujuhuvvo, áššeosolaš gehččo leat ožžon mearrádusas dieđu čihččet beaivve das, go mearrádus lea addojuvvon poastta fárrui. Beaivi, goas reive lea addojuvvon poastta fárrui, oidno mearrádusreive poastasteampalis. Njulgengáibádusáiggi rehkenastettiin ii mearrádusa diehtunoažžunbeaivi váldo fárrui. Juos njulgengáibádusáiggi mañimuš beaivi lea bassi, lávvardat, iehčanasvuodabeaivi, válborbeaivi, juovlaruohtta dahje mihcamáruohtta, njulgengáibádusáigi joatkašuvvá vel čuovvovaš árgabeaivve.

Njulgengáibádusa sisdoallu

Njulgengáibádusa galgá bargat čálalaččat. Das galgá almmuhit:

- njulgema gáibideaddji nama ja ruoktogieldda
- mearrádusa, masa ohcco njulgen, maid osiin mearrádussii ohcco njulgen, makkár nuppástusat dasa gáibiduvvojit dahkkot ja maid vuodustusaiguin njulgen gáibiduvvo
- poastačujuhusa ja telefonnummira, gosa ášši guoski almmuhusaid njulgema gáibideaddjái sáhtta doaimmahit.

Juos njulgema gáibideaddji hállanválddi geavaha su lágalaš ovddasteaddji dahje áššealmmái dahje jos njulgengáibádusa ráhkadeaddjin lea gii nu eará olmmoš, njulgengáibádusas galgá almmuhit maiddái su nama ja ruoktogieldda. Njulgema gáibideaddji, su lágalaš ovddasteaddji dahje áššealmmái galgá vuolláičállit njulgengáibádusa.

Njulgengáibádusa mildosat

Njulgengáibádussii galgá laktit:

- mearrádusa, masa njulgen ohccojuvvo, originálan dahje kopiijan
- mearráduskonfeluhta dahje eará čilgehusa das man beaivve mearrádus lea addojuvvon diehtun ja njulgengáibádusáigi lea álgán
- áššealbmá váldegirjji
- áššebáhpáriid, maidda njulgengáibádusa dahkki doarjala gáibádusa doarjjan, juos dat eai leat jo ovdal doaimmahuvvon Sámediggái.

Njulgengáibádusa doaimmaheapmi

Njulgengáibádusa sáhtta doalvut gáibádusa ráhkadeaddji ieš dahje su fápmudahttán áššealmmái. Dan sáhtta iežas vásttuin sáddet maiddái poastta fárus dahje doaimmahit sáttatalbmá bokte. Njulgengáibádusa galgá doaimmahit mañimustá njulgengáibádusáiggi mañimuš beaivve ovdal rabasáiggi nohkama. Sámedikki girjenkantuvrra rabasáigi lea dmu 8.00 - 16.00. Postii njulgengáibádusa galgá guođdit nu áiggil, ahte dat joavdá ovdalis máinnašuvvon áiggis.

Sámediggi/kulturlávdegoddi
Sajos, 99870 ANÁR

Váidalus njulgengáibádusas addon mearrádussii

Sámedikki kulturlávdegotti addin mearrádussii ohcco nuppástus Sámedikkis.

Sámediggi
Sajos, 99870 ANÁR
telefonguovddáš 010 839 3100
šleađgapoasta info(at)samediggi.fi